


元和郡縣圖志

附闕卷逸
文攷證

八







元和郡縣圖志

附關卷逸文攷證

(八)

李吉甫撰
孫星衍校
張駒賢攷證

元和郡縣圖志卷第二十六

江南道二

浙東觀察使

越州

會稽都督府

開元戶二十萬七千六百四十五

鄉二百一十五

今爲浙東觀察使理所

管州七 越州 婺州 衢州 處州 温州 台州 明州

縣三十八 都管戶一十萬四千三百六十七

禹貢揚州之域。春秋時爲越。周禮吳越。星紀之分。夏少康封少子無餘以奉禹祀。號曰於越。越國之稱。始於茲矣。後代句踐稱王。與吳王闔閭戰。敗之。檣音醉李。故城在今嘉興縣南三十七里。夫差立。句踐復伐。卒滅之。并其地。遂渡淮。遷都瑯琊。朝貢周。周錫命爲伯。至六代。王無疆爲楚所滅。秦以其地并入吳。立爲會稽郡。後漢順帝時。陽羨令周嘉上書。以吳越二國。周旋一萬一千里。以浙江山川險絕。求得分置。遂分浙江以西爲吳郡。以東爲會稽郡。自晉至陳。又於此置東揚州。隋平陳。改東揚州爲吳州。大業元年。改爲越州。武德四年。討平李子通。置越州總管。六年。陷輔公祐。七年。平公祐。改總管爲都督府。

州境東四六四十八里
北三百六十里

八到西北至上都三千五百三十里
北至東都二千六百七十里

東至明州二百七十五里
東南至杭州四百七十五里

西北至婺州一百四十里
西南至婺州三百九十里

貢賦開元貢甘橋甘蔗葛根石蜜交棧白紗貞元之後凡貢之外別進異物文吳綾及花鼓歇單紗吳綾吳朱紗等織麗之物凡數十品

管縣七 會稽 山陰 諸暨 餘姚 蕭山 上虞 剡縣

會稽縣郭下山陰越之前故靈文國也秦立以為會稽山陰漢初為都尉隋平陳改山陰為會稽縣皇朝因之吳越春秋云禹巡狩天下會計修國之道因以會計名山仍為地號山陰縣秦舊地隋改為會稽垂拱二年又割會稽西界別置山陰大歷二年刺史薛兼訓奏省山陰并會稽七年刺史劉少遊又奏置今復併入會稽宋略云會稽山陰編戶三萬號為天下繁劇

重山大夫種葬處

會稽山在州東南二十里

蘭亭山在州西南一十一里

大海在州西十里

鏡湖。後漢永和五年太守馬臻創立。鏡湖在會稽山陰兩縣界。築塘畜水。水高丈餘。田又高海丈餘。若水少。則洩湖灌田。如水多。則閉湖洩田。中水入海。所以無凶年。隄塘周迴三百一十里。都溉田九千頃。

山陰縣。望。同會稽。

諸暨縣。望。東北去州四十五里。秦舊縣也。界有暨浦諸山。因以爲名。越王允常所居。

烏帶山在縣北五十里。出紫石英。

餘姚縣。望。西去州百四十里。

本漢舊縣。舜後支庶所封之地。舜姚姓。故曰餘姚。隋平陳。縣廢。武德四年。復立。仍置

姚州。七年廢州。

四明山在縣西一百五十里。

大海在縣北三十里。

蕭山縣。望。東北至州一百里。本曰餘暨。吳王弟夫槩邑。吳大帝改曰蕭山。以縣西一里蕭山爲名。

浙江在縣西二十五里。

浦陽江在縣南一十五里。

上虞縣。上。西去州九十六里。故城西枕上虞江。隋平陳廢。貞元元年。刺史王密奏置。

上虞江在今縣西二十八里。北流。

刻縣望西北去州百八十五里漢舊縣故城今縣理西南一十二里吳賀高為令移理今所隋末陷於李子通武德

中以縣為嵯州六年廢州縣依舊

天姥山在縣南八里

剡溪出縣西南北流入上虞縣界為上虞江

婺州

東陽

開元戶九萬九千四百九元

和戶四萬八千三十六

鄉百八十九

鄉二百

禹貢揚州之域春秋時為越國西界秦屬會稽郡今之州界分得會稽郡之烏傷太末二縣之地本會稽

西部常置都尉孫皓始分會稽置東陽郡陳武帝置縉州開皇九年隋平陳置婺州蓋取其地於天文為

婺女之分野隋氏喪亂陷於寇境武德四年討平李子通置婺州六年輔公柘叛州又陷沒七年平定公

柘仍置婺州

州境東四百三十三里南四百五十六里

八到西北至上都三千八百九十五里西北至東都三千三百五十五里

正北微西至睦州一百六十里正北微東至越州三百九十里水路一百八十里

四至衢州一百九十里南至處州二百六十里

貢賦

開元貢

元和貢

藤紙

紵布

白藤

細紙

賦 紵布

管縣七 金華 義烏 永康 東陽 蘭溪 武義 浦陽

金華縣望郭下。本漢烏傷縣地。獻帝初平二年。分烏傷置常山縣。屬會稽郡。隋平陳。改爲吳甯縣。十二年。又

改爲東陽縣。十八年。又改爲金華縣。其長山一名金華。故取名焉。

東陽江有二源。一南自永康縣界流入。一東自義烏縣界流入。至縣界南合爲一。謂之東陽江。

金華山在縣北二十里。赤松子得道處。出龍鬚草。

義烏縣望州百五十里西南至。本秦烏傷縣也。孝子顏烏以淳孝著聞。羣烏銜塊助之。烏口皆傷。時以爲純孝所感。

乃於其處立縣曰烏傷。武德四年。於縣置縉州。縣屬焉。又改烏傷爲義烏。

永康縣望州百九里西北至。本漢烏傷縣地。吳大帝分烏傷之南界置隋廢。武德四年。於縣置麗州。八年。廢州。縣

屬婺州。

東陽縣望州百五十里西去州。本漢烏傷縣地。垂拱二年。分義烏縣置。取舊東陽郡名也。

蘭溪縣望州五十里東南去。咸通五年。割金華縣西界置。

蘭溪在縣南七里。東北流入東陽江。

武義縣望州九十里西南至。天寶二年。分永康西界以爲武義縣。

浦陽縣上州百二里西南至天寶十三年分義烏縣北界置。

浦陽江在縣西北四十里出桑溪山嶺東入越州諸暨縣。

衢州信安開元戶六萬二千二百八十八鄉百二十四元和戶一萬七千四百二十六鄉一百七

本舊婺州信安縣也武德四年平李子通於信安縣置衢州以州有三衢山因取為名六年陷輔公祐廢

州垂拱二年復置。

州境東四六百十里南二百六十里

八到西北至上都三千九十五里西北至東都二千百三十里

南至建州七百五十里西至信州二百五十里

東至婺州百九十里東南至處州四百五十里

貢賦開元貢紙黃連葛布簾扇龍鬚席

管縣五 信安 常山 龍邱 須江 盈川

信安縣郭下本春秋姑蔑之地漢太末縣也獻帝初平三年分太末立新安縣屬會稽郡晉太康元年以

宏農有新安故改名信安皇朝置州縣屬焉

常山縣上州八十里東至本太末縣地隋初置定陽縣隋末廢咸亨五年於今縣東四十里置常山縣因縣南有

常山爲名。廣德二年。本道使薛兼訓奏移此於舊縣西四十里。卽今縣是也。

龍邱縣繫西去州七十二里。本春秋姑蔑之地。越西部也。杜注云。今東陽太末縣。越絕書謂之姑婺州。晉改太末

爲龍邱。因縣東龍邱山爲名。隋末廢。貞觀八年。又置。

須江縣上北至州九十五里。武德四年。置衢州。分信安縣南境置須江縣。八年。並廢。永昌元年秋。復置。以縣南有

須江溪。因以爲名。

盈川縣。本漢太末縣地。如意元年。分信安、龍邱兩縣置。

穀水江在縣東南一里。

處州上。開元戶三萬三千二百七十八。鄉七十六。元和戶一萬九千七百二十六。

禹貢揚州之域。春秋時爲越國。秦滅越。置會稽郡。後越王無疆七代孫閔君搖佐漢有功。立爲東越王。都東甌。今温州永嘉縣是也。後以甌地爲回浦縣。屬會稽。世祖改回浦爲章安。晉立爲永嘉郡。梁陳因之。開皇九年。隋平陳。改永嘉爲處州。十二年。又改爲括州。大業三年。復改爲永嘉郡。武德四年。討平李子通。復立括州。仍置總管府。七年。改爲都督府。貞觀元年。廢。天寶元年。爲縉雲郡。乾元元年。復爲括州。大歷十四年。以與德宗廟諱同音。改處州。貞元六年。刺史齊抗以舊州湫隘。屢有水災。北移四里。就高原上。

州境東西南北

八到

西北至上都四千五百九十五里
西北至東都三千二百九十五里
西北至婺州二百六十里
西北至衢州四百五十里

東北至台州四百九十里
東北至建州四百九十里
西北至溫州二百七十里

東南水路至溫州二百七十里

貢賦

開元貢 葛 紵布 麻布 樹皮布 小綾 紗 絹 絲綉
元和貢 葛 紵布 麻布 樹皮布 小綾 紗 絹 絲綉

管縣六

麗水 松陽 縉雲 遂昌 青田 龍泉

麗水縣

郭下 本後漢松陽縣地 隋平陳乃分松陽縣之東鄉立括蒼縣 取括蒼山為名 屬處州 後因之不

改 大歷十四年改為麗水 麗水本名惡溪 以其湍流岨嶮 九十里間五十六瀨 名為大惡 開皇中改為麗

水 皇朝因之以為縣名

松陽縣

東去州二百九十二里 本漢回浦縣之地 屬會稽 後漢分立 此縣有大松樹 大八十一圍 因取為名 開皇

九年廢 十二年復置 皇朝因之

縉雲縣

上 西南至萬歲登封元年 分麗水縣東北界婺州永康縣南界置 因以為名 州八十五里

縉雲山一名仙都 曰縉雲 黃帝煉丹於此

遂昌縣

上 東去州三百四十里 吳赤烏二年 分太末縣置平昌縣 晉太康元年 改為遂昌 武德八年 廢 景雲二年 刺

史孔琮復奏置。

青田縣中東至州百五十里本麗水縣之鄉名也。景雲二年刺史孔琮奏於此分置青田縣。

青田溪在縣西南十八里。

龍泉縣中東至州三百五十里乾元元年越州刺史獨孤峻奏割遂昌松陽二縣置。

龍泉湖在縣南二里。

溫州永嘉開元戶三萬七千五百五十四鄉七十八。
元和戶八千四百八十四鄉一十六。

本漢會稽東部之地。初閩君搖有功於漢封為東甌王。晉大甯中於此置永嘉郡。隋廢郡地入處州。武德五年杜伏威歸化於縣。理置東嘉州。尋廢。六年輔公祐為亂於丹陽。永嘉安固等百姓於華蓋山固守。不陷。凶黨高宗上元元年於永嘉縣置溫州。

州境東西北至七百二十里

八到西北至東都四千四百二十五里

正北至處州三百七十里

東至大海八十里西南至福州水陸路相兼一千八百里

貢賦開元貢鮫魚皮布鮫魚皮三十張

管縣四 永嘉 安固 橫陽 樂城

永嘉縣上郭下。卽漢回浦縣之東甌鄉。晉立爲縣。上元二年於此置温州。縣移在州東百八十步。

永嘉江一名永甯江。在州東三里。

華蓋山在州東一里。

安固縣上北去州七十里。本漢回浦縣地。後漢改回浦爲章安。吳分章安於此立羅陽縣。少帝改曰安陽。晉太

康元年更名安固。前上元二年自處州割入温州。

安固山在縣北一里。

安固江在縣南一里。

橫陽縣上北去州百五里。本晉太康元年分安固南橫嶼屯置。隋平陳廢入安固縣。大足元年又分安固縣再置。

橫陽山在縣南二百七十里。東臨大海。

橫陽江在縣南一百里。

樂城縣上去州一百二十四里。本漢回浦縣地。東晉孝武分永甯縣置。隋廢。載初元年復置。

大海在縣東一十一里。

台州上臨海。開元戶五萬。鄉百一十一。元和戶九十五。

禹貢揚州之域。春秋時爲越地。秦并天下。置閩中郡。漢立東部都尉。本漢之回浦鄉。分立爲縣。楊雄解嘲云。東南一尉。西北一侯。是也。後漢改回浦爲章安縣。吳大帝時。分章安。永甯置臨海郡。隋平陳。廢郡爲臨海縣。武德四年。討平李子通於臨海縣。置海州。五年。改海州爲台州。蓋因天台山爲名。六年。輔公祏叛。州從陷沒。七年。平定公祏。仍置台州。

州境。東四三百九十三里。南四百三十五里。

八到。西北至上都四千五百里。正南微東至溫州五百里。東至大海一百八十里。

正南微東至溫州五百里。東至大海一百八十里。

正西微南至處州四百九十里。

貢賦。開元貢。乾姜三百斤。鮫魚皮。元和貢。甲香三十斤。鮫魚皮一百張。

管縣五。臨海。唐興。黃巖。樂安。甯海。

臨海縣。縣下。本漢回浦縣地。後漢更名章安。吳分章安置臨海縣。屬會稽郡。武德五年。改置台州。縣屬焉。

臨海江有二水合成一水。一是始豐溪。一是樂安溪。至州城西北一十三里合。

唐興縣。上。東南至州百十里。三國時。吳分章安置南始平縣。晉武帝以雍州有始平。改爲始豐。肅宗上元二年。改爲唐興。

天台山在縣北一十里。

赤城山在縣北六里。實爲東南之名山。

黃巖縣。上。北去州一百五十里。前上元二年。割臨海南界置。

黃巖山在縣西南二百三十里。

大海在縣東七十里。

樂安縣。上。東去州一百五十里。東晉穆帝永和三年。分始平南鄉置樂安縣。屬臨海郡。歷代因之。開皇九年。廢。武德

五年。改屬。前上元元年。復置於孟溪之側。今縣是也。

樂安溪原在縣西馮溪山。流經縣南。又東入臨海縣界。

甯海縣。上。西南去州二百五十里。晉穆帝永和三年。分會稽之鄞縣置甯海縣。開皇九年。廢。併入章安縣。永昌元年。

於廢縣東二十里。又置。載初元年。移就縣東二十里。

大海在縣東六里。

明州。餘姚。開元戶四萬八千三百三十三。

本會稽之鄞縣。漢句章縣地也。春秋。越王句踐平吳。徙夫差於甬東。韋昭云。卽句章東浹口外洲是也。武德四年。於縣立鄞州。八年。廢。開元二十六年。採訪使齊澣奏。分越州之鄞縣置明州。以境內四明山爲名。

句章故城在州西一里。

州境東四北

八到西北至東都二千八百五里

西北至東都二千九百四十五里

東北至大海七十里

西南至台州臨海縣一百六十里

貢賦開元貢元和貢

管縣四 鄞縣 奉化 慈溪 象山

鄞縣上郭下。本漢舊縣也。屬會稽郡。隋平陳省入句章。武德八年再置。仍移理句章城。後屬明州。

大海在縣東一百七十里。

翁洲入海二百里。即春秋所謂甬東地也。越滅吳。請吳王居甬。東吳王曰。孤老矣。不能事君。乃縱其洲周

環五百里。有良田。湖水多麋鹿。

奉化縣上州北去六十里。本漢之鄞地。開元二十六年。採訪使齊澣奏置奉化縣。

赤莧山在今縣東一十里。

慈溪縣上州東南去七十里。本漢鄞縣地。開元二十六年。齊澣奏置慈溪縣。

慈溪在縣南二十二里。

大海在縣北六十里。

象山縣。

中陸相兼百六十里

西北至州水本漢鄞縣地。神龍元年。監察御史崔皎奏於甯海縣東界海曲中象山東麓彭

姥村置。其縣東至大海二十里。南至大海三十五里。東北至大海四十里。正北至大海並一十五里。唯西

南有陸路接台州甯海。

元和郡縣圖志卷二十六考證

江南道二

縣三十八。越州浙東
觀察下

官本八作七。不計盈川縣。南本从之。誤。詳衢州盈川縣條。

復伐卒滅之。無疆州敘

官本卒作吳。疆無土。與史記世家。班固人物表。吳越春秋並同。南本改。此疑誤。後仿此。
陽羨令周嘉上書。

官本嘉作喜。誤。王象之引上書。上有山陰令殷重句。與蘇州敘同。

自晉至陳。又於此置東揚州。

晉。宜作宋。王象之曰。晉志無東揚州。沈約曰。孝建元年。分揚州之會稽等五郡爲東揚州。歐陽忖曰。宋置是。

都督府。

官本無府。南本削。

一百四十里。八到
下

杭州八到四作三。

交梭白紗。開元
貞元

南本紗作綾。官本無白紗。後有開元賦。紵布。此脫。

異物文吳綾。單紗吳綾。貞元
貞元下

官本無物字。南本削紗作絲。綾作紗。後案云。前此惟同州、澤州、懷州、襄州、唐州、隨州、房州、利州、鳳州、常州、蘇州、杭州、湖州、睦州兼載開元、元和貢。又惟潤州與此越州論及貞元以後進奉。其他府州僅載開元貢。稽之杜佑通典所列開元、天寶時諸郡常貢名目。亦不盡同。當是傳寫既多缺佚。復有舛訛。今參校各本不異。悉仍其舊。附識於此。今按此本各州貢賦與官本亦多參差。傳鈔滋謬。無所取正。不悉列焉。

山陰。會稽
縣敘

上宜有本字。

修國之道。

修吳越春秋作治。唐避。

山陰縣秦舊地。至今復併入會稽。

官本移後爲山陰縣。按云傳寫各本以此五十八字錯置前會稽名山仍爲地號之下而別標同會稽三字於此。今就文義參合各縣。敍例移正。今按本敍云。今復併入會稽。宋略云。會稽山陰編戶三萬。號爲天下繁劇。亦是總結文義似不必分移山陰縣下。

劉少遊。

劉宜作陳。舊書陳少遊傳云。大歷五年改越州刺史兼觀察。

宋略云云。

官本接前仍爲地號下。

重山。本條

樂史作種山。在縣北三里餘。

在州東南。會稽山條

王象之引東南作西。誤。洪亮吉曰。在縣東南十三里。

大海在州西十里。

官本作州東四十里。南本从之。此疑脫東。四誤作西。

創立鏡湖鏡湖條

官本無鏡湖南本削

都溉田九千頃

官本無都

去州百四十五里諸暨縣注

官本去作至此誤南本改下同五作四

烏帶山本條

水經注云諸暨縣北帶烏山此志所本烏宜作烏帶字衍

西去州百四十里餘姚縣注

官本西作西北誤去作至是十下有五字

縣廢餘姚縣敘

王象之引作省入句章縣

五十里四明山條

王象之引下有高二百丈周迴二百十里四旁皆虛玲瓏若窗牖故名

東北至州。蕭山縣注。

北宜作南。

吳大帝改曰蕭山。縣敘。

蕭山上宜有脫文。湖州武康縣敘云：吳大帝改餘暨爲永興。是沈約云：永興漢舊餘暨縣。吳大帝更名永興。非改蕭山。唐志云：天寶元年更名。此傳鈔佚耳。

西去州。上虞縣注。

官本去作至。是剡縣注同。

故城。縣敘。

上宜脫漢舊縣殊戾文義。

北流。上虞江條。

官本脫南本同。宜補。按此下仍有缺文。宜云：入海。與下剡溪條文義相足。

賀高。剡縣敘。

官本作智高。並誤。按會稽記作賀齊。三國時仕吳。爲令於此。王象之引亦作賀齊。南本改。

八里。天姥山條。

南本作八十里。

八十九。婺州開元鄉。

官本作九十八。

秦屬會稽郡。州敘。

秦下宜脫漢字。

本會稽西部常置都尉。

地理志會稽西部都尉治錢塘顧祖禹曰後漢治烏傷。

八百。八到

官本作九百疑誤。

藤紙。開元 紵布。元

官本藤紙為一物。紵布上有賦字。南本增。

賦。元和 紵布。賦

官本無南本削。

初平二年。置常山縣。金華縣敘。

二郡國志作三。此本沈約說。常官本及郡國志並作長。南本从之。

本秦烏傷縣也。以淳孝著聞。羣烏銜塊助之。緡州義烏縣敘

秦前後敘並作漢。以淳孝著。官本作將葬。南本从之。誤。按助之下宜脫為墳二字。事詳異苑。見水經注。

緡州官本作綢州。與唐志合。南本从之。

西去州。東陽縣注

去官本作至。是蘭溪縣注同。

取舊東陽郡。縣敘

郡官本作縣。誤。

西南至州。武義縣注

宜作西北。官本作北。脫西字。

夫寶。縣敘

官本及新舊志並作天授。南本从之。

出桑溪山。浦陽縣浦陽江條

官本桑作雙。南本从之。

十六里。衢州境下。

官本六作五。

三千九十五里。二千百三十里。八到下。

官本三千作四千。二千作三千。三十下有五字。南本从之。

南至建州。

官本南作東南。宜爲西南之誤。建州今福建建甯府。

縣。紙。紵布。開元紙。元和紙。元和紙。

官本縣紙爲一物。紵布上有賦字。南本从之。紙上有縣字。

管縣五。本條。

官本五作四。下無盈川。非詳後。

太康元年。信安縣敘。

水經注作三年。

西去州。龍邱縣注。

官本去作至此誤。

越西部也。縣

部。宜作鄙。詳後。

晉改太末為龍邱。

晉官本作吳大帝赤烏三年。按晉宋志俱有太末。無龍邱。隋志亦未詳。

盈川縣。本條

下宜注等第並至州方里。按縣敍既不詳省併。穀水江自列專條。是未廢也。新志云。省於元和七年。疑後人依其說而削之。致與領縣總目不合。又按山陰縣與盈川同時省併。當歸一例。官本按云。唐書地理志。元和七年。省入信安。南本祇注元和七年。省入信安。並混按語作注。尤謬。分信安、龍邱兩縣。

官本無信安及兩字。南本削。

穀水江。本條

官本穀作穀。水經注云。穀水原出太末縣。是越之西鄙。姑蔑地也。當卽此水。不從糸。

無疆。東越王。世祖。處州

疆。宜作彊。官本作諸。誤諸與搖同。仕漢不宜云七代孫。東越王。按漢書本傳。宜作東海王。都東甌。世號

東甌王温州敍亦稱東甌王。越字疑誤。世祖例作代祖。此後人改。官本作後漢。南本从之。四千。西北至建州。二百七十里。八到

官本四千下有二字。西北作東南。此誤。二百。温州八到作三百。

葛。紵布。開元。縣。紵布。紗。絹。元和

官本有蠟無葛。疑卽蠟。俗蠟字。紵布別列於後。上有賦字。縣紵布。官本無。紗絹作絲絹。

括蒼縣。麗水。縣。敍。

隋志蒼作倉。脫艸。

東去州二百九十二里。松陽。縣注。

去。官本作至此誤。二百。官本作一百。洪亮吉曰。今縣至府一百二十里。

後漢分立此縣。縣。敍。

官本下按云。郡國志但云以章安縣東甌鄉爲縣。此云分立松陽。當別有所據。舊唐書與此合。今按沈約云。松陽吳立。蓋在建安中。此志所本。

大八十一圍。

官本八十一作十八。南本从之。吳地志云。中空可容三十人。

因以爲名。緡雲縣敘。

以官本作山。此誤。南本改。

東去州三百四十里。遂昌縣注。

去官本作至。此誤。按遂昌卽今縣。屬處州府。洪亮吉曰。東少南至府一百八十里。

東至州。青田縣注。

官本東作西北。此誤。

三百五十里。龍泉縣注。

顧祖禹、洪亮吉並云。今縣至府二百四十里。

乾元元年。縣敘。

官本及兩志元並作二。南本改。

上元元年。溫州敘。

舊志作二年。此志永嘉、安固二縣敘同。此誤。

四百。正北微西。三百七十里。八到下。

四官本作五。微西宜作微東。三官本作二。南本从之。

紵布 鮫魚皮三十張開元 鮫魚皮元和

官本紵布為一物別作賦三十張在下條下

樂城管縣下

官本城作成後同南本从之

晉立為縣永嘉縣

晉志宋志並作永甯無永嘉隋志云舊永甯平陳改永嘉

北去州安固縣注

官本去作至此誤

北去州百五里橫陽縣注

官本脫百五里去作至此誤

太康元年分安固南橫嶼屯置橫陽縣

宋志元年作四年嶼作蕘下有船字

大足

官本作大定蓋形近之訛

去州樂城縣注

上宜有缺。官本作北至州。南本从之。並誤。樂城即今樂清。西南至温州府八十里。

百十一。台州開元鄉。九十五。元和

官本作一百一十五。南本从之。下缺。

置閩中郡。漢立東部都尉。本漢之回浦鄉。台州錄

閩中。通典作會稽。非。王象之辨之已悉。東官本作南。王象之所引同。此誤。本漢宜作本秦。官本是。南本从之。

西北一侯。

侯。宜作候。尉候並漢末職。主伺察。

正南微東。東北。八到下

微東。宜作微西。東北宜作西北。南本改。

一是始豐溪。一是樂安溪。一十三里合。臨海縣臨海江條

官本是作自下。同。南本从之。豐作風。誤。洪亮吉引與此同。合下有流字。

肅宗上元二年。唐興縣錄

肅宗宜改作前。新志作高宗。按此志稱高宗上元者。以前字別之。見黃巖樂安二敍。

北去州。黃巖縣注。

去。官本作至。是樂安甯海二縣注並誤。

前上元云云。縣敍。

疑有脫文。按唐志云。本永甯。上元二年。析臨海置。天授元年。改爲黃巖。

分始平。武德五年。改屬樂安縣。樂安縣敍。

南本改平作豐。是武德云云。宜衍。官本無。

原在縣西馮溪山。入臨海縣界。樂安溪條。

原在。官本作源出。洪亮吉引同。馮溪山引作馮師山。界下有合靈江三字。

開皇九年廢。併入章安縣。甯海縣敍。

官本廢下有郡字。宜衍。隋志無。章安臨海下云。舊章安。

移就縣東二十里。

官本二作一。王象之引同。南本从之。

漢句章縣地也。明州敍。

官本漢作及南本改。

東澗口外洲。

志國語注澗宜作海。

西南至台州云云。八到下

臨海宜作甯海南本改。至都四百一十里。至字宜衍。官本無此句。

紅蝦。鮓烏蜆骨。元和實

官本作紅蝦鮓。烏蜆骨宜照改。

一百七十里。鄭縣大海條

官本無一百。

有良田湖。湖水多麋鹿。翁洲條

官本下句無湖字。

北去州。奉化縣注

去官本作至此誤。慈溪縣注同。

赤莧山。本條

顧祖禹莫作堇引會稽記破赤堇而取錫與此別。

並一十五里。象山縣敘。

並字宜衍官本無。

元和郡縣圖志卷第二十七

江南道三

鄂岳觀察使

鄂州

江夏

開元戶一萬九千一百九十。元和戶三萬八千六百一十八。

鄉三十三。鄉三十七。

今爲鄂岳觀察使理所

管州六 鄂州 沔州 安州 黃州 蘄州 岳州

縣三十五 都管戶七萬二千二百四十七

禹貢荊州之域。春秋時謂之夏汭。漢爲沙羨之東境。自後漢末。謂之夏口。亦名魯口。吳置督將於此。名爲魯口屯。以其對魯山岸爲名也。三國爭衡。爲吳之要害。吳常以重兵鎮之。魏明帝問司馬懿曰。二虜宜討。何者爲先。對曰。吳以中國不習水戰。故敢撤東關。凡攻敵必扼其喉。吞其心。夏口東關。敵之心喉。若以陸軍向皖。引權東下。爲水軍向夏口。乘其虛而擊之。此神兵從天而墜。晉庾翼爲荊州。曾理於此。義熙初。劉毅表以爲夏口二州之中。地居形要。控接湘川。邊帶漢沔。請荊州刺史劉道規鎮夏口。至六年。自臨鄣徙理夏口。卽今州理是也。宋孝武以方鎮太重。分荆湘江三州之八郡爲鄂州。以分上流之勢。隋平陳。改鄂

州為鄂州。州城本夏口城。吳黃武二年，城江夏以安屯戍地也。城西臨大江西南角，因磯為樓，名黃鶴樓。三國時，黃祖為太守，吳遣凌統攻而擒之，禰衡遇害，亦此地也。東南角樓名焦度樓。宋沈攸之自荊州稱兵至此，時焦度領兵在此城，守東南角，攸之攻之，不剋，遂退走，因名焦度樓。

州境東四百七十四里，南三百八十八里。

八到西北至上都二千四百里，東北至東都一千四百里。

東至江州六百里，東南至岳州五百里。

西北至安州二百九十里，西至沔州隔江七里。

正北微東至黃州二百里。

貢賦開元貢銀十五兩，紵布。

管縣五 江夏 永興 武昌 唐年 蒲圻

江夏縣望郭下。本漢沙羨縣地，屬江夏郡。東晉以汝南流人僑立汝南郡，後改為汝南縣。隋開皇九年，改為

江夏縣，屬鄂州。

黃鶴山在縣東九里。

江水西南自蒲圻縣界流入，又北對崢嶸州。劉毅破桓玄於此，又北流經黃軍浦。相傳吳將黃蓋屯兵處。

曹公城在縣東北二里。梁武起義，遣將曹景宗所築。

頭陀寺在縣東南二里。

鸚鵡洲在縣西南二里。

永興縣緊西北至州四百里。本漢鄂縣地。吳大帝分立新陽縣。隋開皇九年改爲富州。十八年改爲永興縣。

石鼓山在縣西六十里。上有三石鼓。鼓鳴天卽雨。

大江水在縣西北四十五里。

下雉故縣在縣東南一百四十里。漢伍被謂淮南王安曰：守下雉之城，絕豫章之口，是也。

陳永興故城在縣東五十里。東臨江水。俗云伍子胥所築。

武昌縣緊西至州一百七十里。舊名鄂。本楚熊渠封中子紅於此，稱王。至今武昌人專鄂王神是也。離騷云：乘鄂渚而反顧。漢以爲縣。屬江夏郡。武帝以封姊。號鄂邑長公主。建安二十五年，吳大帝以下雉、尋陽、新城、柴桑、沙羨、武昌六縣爲武昌郡。黃武初，自建業徙都，廢黃龍。九年於此卽尊位。還都建業。皇太子登留守武昌。

以陸遜輔之。嘉禾元年，太子還建業。立皇子奮爲齊王。居武昌。諸葛恪不欲諸王處瀕江兵馬之地，徙居豫章。甘露元年，歸命侯又都之。揚土百姓，沂流供給，以爲患苦。陸凱上疏曰：武昌土地實危險，而壻确，非王都安國養人之處。且童謠言：甯飲建業水，不食武昌魚。甯還建業死，不止武昌居。於是還都建業，改爲

江夏縣後爲武昌。

樊山在縣西南三里。謝玄暉詩曰：釣臺臨講閣，樊山開廣宴。謂此也。

西塞山在縣東八十五里。竦峭臨江。

孫權故都城在縣東一里餘。本漢將灌嬰所築。晉陶侃、桓溫爲刺史，並理其地。

唐年縣。上。西北至州六百三十里。本漢沙羨縣地。天寶二年分置唐年縣。

葛仙山在縣北六十里。

壺頭山在縣東北六十里。

下雋故城在縣西南一百六里。因雋水爲名。

蒲圻縣。上。東北至州四百十里。本漢沙羨縣縣地。晉武帝改爲沙陽。今縣。缺

一里沙陽故縣城是也。吳大帝分立蒲

圻縣。因蒲圻湖爲名。本屬長沙郡。隋割屬鄂州。

赤壁山在縣西一百二十里。北臨大江。其北岸卽烏林。與赤壁相對。卽周瑜用黃蓋策。焚曹公舟船敗走

處。故諸葛亮論曹公危於烏林是也。

雋水源出縣東南。

大蟠水西北流入江。

蒲圻湖在縣南七十五里。

呂蒙城在縣西南八十里。孫權以蒙為橫野將軍。為周瑜破曹公定荊州。於此鎮守。

沔州漢陽上。開元月五千二百八十六。鄉十二。元和月二千二百六十一。鄉十二。

本漢安陸縣地。晉於今州西臨嶂山下置沔陽縣。江夏郡自上昶城移理焉。後郡又移理夏口。沔陽縣屬郡下不改。入陳廢。隋開皇九年置。成十七年廢。成改置漢津縣。屬沔陽郡。大業二年改為漢陽縣。武德四年分沔陽郡於漢陽縣置沔州及縣。並自臨嶂山下改移於今理。

州境東四百五十二里。南四百四十六里。

八到東至東都二千二百五十里。東至東都一千四百四十里。

東渡江至鄂州七百里。西北至黃州四百三十五里。

東北至復州竟陵縣三百四十里。

西至安州二百八十里。西取桐塚路至復州四百六十里。

貢賦開元貢麻。紵布一端。元和貢麻。紵布一疋。

管縣二 漢陽 汝川

漢陽縣中。郭下。縣本末已具州序。

魯山一名大別山。在縣東北一百步。其山前枕蜀江北。帶漢水。山上有吳將魯肅神祠。臨嶂山在縣西六十里。

大江水南自復州沔陽縣界流入。去縣東二十步。東北流入黃州界。

漢水一名沔水。西自汝川縣界流入漢陽縣。因此水爲名。

卻月故城在縣北三里。劉表將黃祖所守處。

汝川縣。中東至州一百五十里。本漢陽縣地。武德四年分置汝川縣。因汝川爲名也。

內方山在縣南九十里。

小別山在縣東南五十里。春秋吳伐楚。令尹子常濟漢而陳。自小別至於大別。卽此也。

汝川水在縣南二里。西北自鄂州界流入。

赤壁草市在縣西八十里。古今地書多言此是曹公敗處。今按三國志。劉表卒。其子琮代立。在襄陽。劉備屯樊。琮降曹公。備隨南走。曹公以江陵有軍實。恐備先據得之。自當陽倍道追備。一日夜行三百里。遂剋江陵。又自江陵追備至巴邱。遂至赤壁。孫權遣周瑜。程普各領兵萬人。與劉備來敵曹公。遇於赤壁。因風縱火。曹公大敗。遂取華容道步歸。退保南郡。瑜等復追之。曹公留曹仁守江陵。自徐北歸。據此而言。則赤壁不在汝川也。何則。曹公旣從江陵水軍至巴邱。赤壁又在巴邱之下。軍敗引還南郡。周瑜水軍退。並是

大江之中與汝川殊爲乖繆蓋是側近居人見崖岸赤色因呼爲赤壁非曹公敗處也

安州安陸開元戶二萬二千二百二十二鄉鄉三十五

元和中戶九千八百一十九

春秋時鄖國後爲楚所滅漢爲安陸縣高帝六年分南郡置江夏郡於此領縣二十四後漢移理沙羨曹魏齊王芳時王基爲荊州自城上昶徙江夏郡理之以逼夏口在今州西北五十三里上昶故城是也江夏郡自後漢末當吳魏二國之境永嘉南遷後又當苻秦石趙東東晉犬牙爲界自後魏周隋與宋齊梁陳交爭之地故江夏前史所載或移於沙羨或移於上昶或移理魯山城南北二朝兩置江夏郡吳理武昌曹魏與晉俱理安陸故漢所理江夏郡前書多言在安陸其雲夢縣東南四里涇水之北有江夏古城周所理據山川言之此城南近夏水餘址寬大則前漢江夏郡所理也宋武帝分江夏置安陸郡後魏大統十六年改爲安州

州境東二百一十九里

八到西北至上都一千九百七十里

東至黃州三百一十里

東南至鄂州二百二十里

西南至復州二百二十里

西北至隨州一百五十五里

東南至沔州二百八十里

貢賦 開元貢 紵布一十八疋 賦 縣 紵 紵

元和貢 紵布一十疋

管縣六 安陸 應山 雲夢 孝昌 吉陽 應城

安陸縣 上郭下 本漢舊縣屬江夏郡隋改屬安州其城三重西枕澗水

陪尾山一名橫山在縣北六十里禹貢云熊耳外方桐柏至於陪尾即此也

澗水故清發水也西北自隨州流入注於沔謂之郢口春秋吳敗楚於柏舉從之及於清發是也

雲夢澤在縣南五十里史記司馬相如傳云楚有七澤其小者名雲夢方九百里左傳云邳子之女棄子

於夢中無雲字云楚子濟江入雲中復無夢字以此推之則雲夢二澤本是別矣而禹貢及爾雅皆曰雲

夢者蓋雙舉二澤而言之故後代以來通名一事故左傳曰畋於江南之雲夢也

應山縣 中南至州 本漢隋縣地梁大同以隨州北界應濃山戍置應州又分隨縣置永陽縣隋開皇十

八年改永陽縣為應山縣

石龍山在縣東北二十五里有石盤回屈曲若龍形

澧山關因古澧山縣為名武德八年縣廢即齊志所謂武陽關也在州東北二百四十里在縣東北一百

三十里北至申州一百五十里

百雁關。按圖經云。昔有雁息其上。故以爲名。在州東北二百里。在縣北九十里。北至申州九十里。東至灑山關一百里。

平靖關。因古平靖縣爲名。後魏大統十七年置。隋大業二年廢。齊志云。義陽有三關。此則其一。在州北一百七十里。在縣北六十五里。北至申州九十里。東至百雁關一百六十里。

雲夢縣。中。北至七十里。本漢安陸縣地。後魏大統末。於雲夢古城置雲夢縣。

雲夢澤。在縣西七里。事見上。

孝昌縣。中。西北至五十五里。本漢安陸縣地。宋於此置孝昌縣。屬江夏。卽隋改安州也。

吉陽縣。中。西北至一百三十里。本漢安陸縣地。梁於此置平陽縣。其故城。今理是也。西魏改爲京池縣。隋大業二年。

改爲吉陽。因縣北吉陽山爲名。

應城縣。中。東北至八十里。本漢安陸縣地。宋於此置應城縣。

故浮城縣。在縣西北三十五里。卽古蒲騷城也。左傳。莫敖狃於蒲騷之役。鄖人軍於蒲騷。是也。後魏於此置浮城縣。隋廢。

孔山故城。在縣東北一百二十里。

平靖故城。在縣西四十里。

吉陽故城在縣北五十里。

黃州齊安 開元戶一萬三千七十三 鄉二十八
下 元和戶五千五百四十四 鄉一十八

本春秋時楚國之地後又為黃國之境戰國時屬楚秦屬南郡二漢為江夏郡西陵縣地魏為重鎮文帝黃初中吳先揚言欲攻於江北豫州刺史滿寵度其必襲西陽遂先為之備權聞之尋亦退還後吳剋邾城使陸遜以三萬人城而守之至晉為西陽國封子弟為王蕭齊於此置齊安郡開皇三年罷郡置黃州因古黃國為名也

州境東二百一十里
南三百三十七里

八到西北至上都二千二百八十里
東北至東都一千四百七十里

東至蕪州二百三十里
南至鄂州二百三十里

南至大江一百步
西至安州三百一十里

北至光州三百六十里

貢賦 開元貢 紵貨布十疋
賦 絹布絳麻

管縣三 黃岡 黃陂 麻城

黃岡縣上 郭下 本漢西陵縣地故城在今縣西二里蕭齊於此置齊安縣開皇十八年改為黃岡因縣東黃

岡爲名。

大江水西自黃陂縣界流入。經州南一百二十八里。東入蘄州界。故邾城在縣東南一百二十里。古邾國也。後爲楚所滅。漢以爲縣。

西陽故城在縣東南一百三十里。漢縣也。屬江夏郡。

大活故城在縣北二百三十五里。隋於此置關鎮。

黃陂縣。中。東北至州一百二十里。本漢西陵縣地。三國時。劉表爲荊州刺史。以此地當江漢之口。懼吳侵軼。建安中。

使黃祖於此築城鎮。因名黃城鎮。周大象元年。改鎮爲南司州。并置黃陂縣。隋初改爲鎮。後復爲縣。

白沙關。西至大關六十里。在州西二百四十里。北至光州界二十五里。

大活關。東北至光州二百八里。西至安州澧山關一百里。在縣北二百里。

大江水在縣南一百二十九里。西南自江夏縣界流入。又東入黃岡縣界。

武湖在縣南四十九里。黃祖閱武習戰之所。後宋謝晦舉兵叛。爲檀道濟所破。敗走武湖。戍生執之。卽此地也。

龍驤水在縣南七十二里。相傳晉龍驤將軍王濬率舟師伐吳。屯軍於此。

石陽故城在縣西二十三里。吳聞魏文帝崩。征江夏。圍石陽。不克而還。卽此也。

安昌故城在縣西南七十里。高齊築捍陳寇。

麻城縣中一百一十里。南至州。本漢西陵縣地。梁於此置信安縣。開皇十八年改爲麻城縣。

龜頭山在縣東南八十里。舉水之所出也。春秋吳楚戰於柏舉。卽此地也。

陰山關北至光州殷城縣二百里。在州東北二百一十里。在縣東北一百一里。西至穆陵關一百里。

穆陵關西至白沙關八十里。在州北二百里。至光州一百四十九里。在縣西北一百里。

蘄州蘄春上開元元戶二萬六千八百九。元和戶一萬六千四百六十二。鄉五十一。

禹貢揚州之域。春秋戰國並屬九江郡。在漢爲蘄春縣地。屬江夏郡。三國時屬魏。魏使盧江謝奇爲蘄春

典農屯皖。呂蒙襲擊破之。後於此復置蘄春郡。晉孝武帝改曰蘄陽。以鄭太后諱故也。高齊於此立齊昌

郡。後陷於陳。改爲江州。周平淮南。改爲蘄州。

州境東四三百三十九里。南北五百五十五里。

八到東北至上都二千五百一十里。東北至江州二百五十里。

東北至壽州踰大山九百七十里。西北至東都一千七百里。

西北至黃州二百三十里。

貢賦開元元貢。白紵細布一十五疋。

管縣四 蕪春 黃梅 蕪水 廣濟

蕪春縣上 鄆下 本漢舊縣屬江夏郡因蕪水以爲名也晉改爲蕪陽開皇十八年復改蕪春縣

蕪水西南經縣三里源出東北大浮山一名蕪山

翻車故城在縣東八十二里九江王黥布背項籍歸漢因築此城城近翻車水因以爲名

黃梅縣上 西至州 本漢蕪春縣地隋開皇九年置新蔡縣屬蕪州仁壽元年改爲黃梅縣因縣北黃梅

山爲名縣城晉驃騎將軍郭默所築

大江水在縣南一百里

太子湫在江之岸梁武帝初下建業留丁貴嬪於此生太子因以爲名

九江故城在縣西南七十里漢九江王黥布所築

蕪水縣上 東南至 本漢蕪春縣地宋文帝於此置浞水縣北齊改爲蘭溪鎮武德四年改爲縣天寶六

年以名重改爲蕪水縣也

廣濟縣中 西至 本漢蕪春縣地武德四年以此地衝要置永甯縣天寶元年以名重改爲廣濟縣

江水在縣南一百二十里

積布山在縣南一百里南臨大江壘石壁立形如積布故以爲名俗謂之積布磯

岳州

開元戶九千一百六十五
元和戶一千五百三十五

鄉二十一

本巴邱地。古三苗國也。史記三苗之國左洞庭右彭蠡。春秋及戰國時屬楚。秦屬長沙郡。吳於此置巴陵縣。宋文帝又立為巴陵郡。梁元帝改為巴州。隋開皇九年改為岳州。大業三年為羅州。武德六年復為岳州。

州境 東三百九十一里
南四百一十里

八到 西北至上都二千二百二十五里
東北至東都一千八百六十五里

西北至江陵府五百七十里
南至潭州五百五十里

西至澧州四百五十里
東至鄂州五百五十里

北至復州沔陽縣五百五十里

貢賦

開元賦 細紵布 縑
麻紵 縑
元和貢 白紵練布七疋

管縣五 巴陵 華容 湘陰 沅江 昌江

巴陵縣 上 郭下 本漢下雋縣之巴邱地也。下雋屬長沙郡。故城在今蒲圻縣界。吳初巴邱置大屯戍。使魯肅守之。復改為巴陵縣。自晉以後遂因之。蜀志曰西增白帝之兵。東益巴邱之戍。又周瑜卒於巴邱。皆此地。

也。昔羿屠巴蛇於洞庭。其骨若陵。故曰巴陵。

君山在縣西三十里。青草湖中。昔秦始皇欲入湖觀衡山。遇風浪。至此山止泊。因號焉。又云。湘君所游止。故名之也。

大江在縣北五里。

巴陵城對三江口。岷山爲西江。澧江爲中江。湖湘江爲南江。

彭城洲在縣東北九十四里。宋元嘉三年。荊州刺史謝晦反。臺遣到彥之進討。軍次彭城洲。彥之軍敗。退保隱磯。卽此處也。

侯景浦在縣東北十二里。本名三湘浦。景旣剋建業。自統兵西趣荆峽。先遣其將宋子仙。任約襲郢州。湘東王繹令王僧辯拒之。景軍大敗。燒營退走。天監中。寶誌道人爲符書云。起自汝。蔡訖於三湘。侯景東起於懸瓠。汝水之南。而敗於巴陵。三湘之浦也。

洞庭湖在縣西南一里五十步。周迴二百六十里。湖口有一洲。名曹公洲。曹公征荊州還。於巴邱遇疾。燒船。嘆曰。郭奉孝在。不使孤至此。

巴邱湖又名青草湖。在縣南七十九里。周迴二百六十五里。俗云。卽古雲夢澤也。

澧湖一名翁湖。在縣南一十里。爾雅云。河水決出還復入者爲澧。左傳。定公四年。吳人敗楚於麇。滋。五戰。

入郢卽此是也。

陶侃故城在縣東北八里。

華容縣中東至州一百六十里本漢孱陵縣地。吳分置南安縣。隋平陳以縣屬岳州。隋開皇十八年改爲華容縣。

方臺山在縣南三十二里。出雲母。往往有長四尺者。可以爲屏風。掘時忌有聲響。則所得簷惡。

赤亭湖在縣南八十里。侯景攻巴陵。遣將任約等入湖。湘東王使胡僧祐、陸法和夜以大艦遏湖口。因風縱火。鼓譟而前。賊窮聚湖中。俄然崩潰。卽此也。

赤亭故城在縣西南七十里。城據絕景原。三面臨水。極爲阻益。梁湘東王遣胡僧祐據城以擒任約。

湘陰縣中下北至州三百三十里本春秋時羅子國。秦爲羅縣。今縣東北六十里。故羅城是也。宋元徽二年分益陽、

羅、湘西三縣立湘陰縣。

玉筍山在縣東北七十五里。屈原放逐居此山下。而作九歌焉。

湘水南自長沙縣界流入。又北入青草湖。昔王延壽有異才。年二十而得惡夢。作夢賦。年二十一溺死於湘浦。卽斯川也。湘水至清。雖深五六丈。了了見底。

汨水東北自洪州建昌縣界流入。西經入玉筍山。又西經羅國故城爲屈潭。卽屈原懷沙自沈之所。又西流入於湘水。

舜二妃家在縣北一百六十三里青草湖上。

屈原家在縣北七十一里。

沅江縣。中下。東北至州三百七里。本漢益陽縣地。梁元帝分置重華縣。隋平陳改爲安樂縣。開皇末又改爲沅江縣。

關州在縣東南五十八里。建安二十年孫權以先主得蜀使使求還荊州先主言須得涼州乃相與。權患之乃遣呂蒙襲長沙零陵桂陽三郡先主引兵五萬下公安令關羽入益陽此州蓋羽屯兵之處故以爲名。

沅江水西北自龍陽縣界流入與華容縣中分爲界。

昌江縣。中下。西北至州六百五十里。後漢分長沙爲漢昌縣孫權改爲吳昌縣神龍三年析湘陰於故吳昌城改置昌

江縣。

汨水在縣東北四十里。

元和郡縣圖志卷二十七考證

江南道三

縣三十五。鄂州鄂岳
觀察下。

· 官本三作二。此誤。

撤東關。扼其喉。舂其心。鄂州

南本撤作散居。官本喉下有而字。舂作搗。與晉書合。南本从之。
若以陸軍向皖。

地理志皖作皖。郡國志作皖。後漢書作皖。字通。
從天而墜。

官本下有矣字。南本增。

以爲夏口二州之中。

王象之引二州上有居荆江三字。此脫。
控接湘川。

官本川作州誤。

自臨鄆。

官本鄆作嶂。是南本改。水經注作林鄆。亦作臨嶂。此志沔州下兩見。並作臨嶂。

黃武二年。

水經注作黃初。此疑訛。

六百里。五百十里。正北微東至黃州二百里。八到下

六百。江州八到作五百九十三里。岳州作五十里。南本从之。正北微東。宜作正東微南。黃州八到二百

下有三十。

紵布。開元銀十五兩。元和實。和

官本上有賦字。南本增無元和貢云云。

又北對嶧嶠州。江夏縣江水條。

官本州作洲。是按水經注。嶧嶠洲。在黃軍浦下。此敘於黃軍浦上。恐誤。

吳大帝分立新陽縣。永興縣敘。

王應麟引新陽作陽。新與吳志合。此誤。

改爲富州。

官本州作川是。

離騷云云。武昌縣敘。

離騷宜作楚辭。語見屈原九章。

尋陽新城。

王應麟引作尋陽、陽新。與吳志合。此誤。

黃武初。黃龍九年。

按吳志孫權徙都武昌。在黃初元年。後二年。乃自稱黃武。此宜作黃初初。九年宜作元年。無九年。

沂流供給。

沂官本作沂。此脫。

陸凱。

官本作陸坑。誤。

改爲江夏縣。後爲武昌。

此疑有誤。按州郡志曰。鄂、漢舊縣。吳改武昌。水經注曰。孫權以黃初元年徙此。改曰武昌縣。鄂縣徙治。

袁山東皆不詳江夏之名。

西南三里。樊山條

官本無南王象之引同。

壺頭山。唐年縣本條

官本壺作壺。

沙羨縣縣地。浦圻縣條

官本無下縣字南本削。

以蒙為橫野將軍。呂蒙城條

橫野將軍吳志作橫野中郎將。

六十一。河州元和月

官本作六十二南本从之。

置沱陽縣。州條

晉志無沱陽縣見州郡志及水經注。

西至上都。四百四十里。西北至隋州。八到

官本西下有北南本从之。此脫四百四十作三百九十三。南本从之。隋州作隨州。此脫是。南本改。

麻貨布一疋。元和實

官本正作端。按云。此沔州與蘄、洪、饒、虔、吉、江、袁、信、撫、宣、歙、潭、衡、郴、永、連、道、邵、漳、汀、涪、思、費、南、珍、潯、播、辰、錦、敘、溪、施、樊等州之賦。並傳寫遺缺。其所貢之布葛。或言端。或言疋。據杜佑通典載開元二十五年。令江南諸州租布帛皆闊尺八寸。長四丈爲疋。布五丈爲端。則端與疋本自不同。而是志於各州未悉載。當亦由傳寫失之。

自徐北歸。汝川縣赤壁

吳志周瑜傳作徑自北歸。

與汝川殊爲乖繆。

官本與作又。乖作乘。並誤。

非曹公敗處也。

官本脫非字。公下空一字。

領縣二十四。後漢移理沙羨。安州敘

二字宜衍。地理志江夏郡領十四縣。官本沙羨下按云。後漢書郡國志云。凡縣名先書者。郡所治也。其

志江夏郡先書西陵。最後乃書沙羨。似無移治之事。今按地理志。郡國志。其郡治不必先書。酈道元曰。江夏舊治安陸。吳乃徙沙羨。在後漢時。彭志雖首列西陵。非必郡治。

石趙東東晉。

官本上東字作與。此誤。

至鄂州二百二十里。八到

官本二十作九十。南本从之。

至復州二百二十里。

官本作三百二十里。南本从之。復州八到云三百三十里。

元和貢云云。賈賦

官本無。

陪尾山一名橫山。安陸縣本條

陪。史記作負。漢書作倍。師古讀陪。橫山。地理志。水經注並作橫尾山。或云。陪尾在泗州。王鳴盛謂乃別

一山。非禹貢所云。

云楚子濟江入雲中。雲夢澤條

官本無云字。王象之引同。南本削本。是別矣。

官本是作自。王象之引同。南本改。

本漢隋縣地。應山縣敘

官本隋作隨。此脫。

澧山關。本條

官本澧作禮。王應麟引同。此誤。下同。南本作禮。並誤。

西北至州五十五里。孝昌縣注

官本作西至州八十里。南本从之。此疑誤。

屬江夏。卽隋改安州也。縣敘

卽官本作郡。是。

西北至州。吉陽縣注

官本脫北字。南本从之。誤。

宋於此置應城縣。應城縣敘

隋志云西魏置應城與此別。

二十里。孔山條

官本二作一南本从之。

楚國之地。黃初中黃州敘

楚官本作邾是南本改。按水經注云江水又東過邾縣南鄂縣北。注曰楚宣王滅邾徙居於此。故曰邾也。此志黃岡縣有故邾城曰古邾國。後為楚所滅。與水經注合。王象之引亦作邾。黃初宜有誤。下引滿寵事在太和三年。詳魏志本傳。

東至蘄州西南至鄂州二百三十里。八到下

官本東下有南字。南本增此脫。西南宜作西北。鄂州八到無三十。

絹布緜麻。賈賦下

四物例宜分書。官本是南本从之。

蕭齊於此置齊安縣。黃岡縣敘

隋志云齊曰南安誤。

二十八里。大江水條

官本二作一南本从之。

東北至州一百二十里。黃陂縣注。

宜作東南至州二百二十里。黃陂卽今縣黃州。今黃州府。

周大象元年改鎮爲南司州。縣敘。

隋志云後齊置南司州。後周改曰黃州。與此別。

二十九里。大江水條。

二官本作一。

敗走武湖戍。生執之。武湖條。

王象之引作戍主生執之。此疑脫。

石陽故城。本條。

顧祖禹引下有一名西城句。

陰山關云云。本條。穆陵關云云。本條。

官本二條前後互異。所至方里無殊。亦先後不一。惟陰山關條一百一里作一百一十里。此疑脫。南本作一百里。

春秋戰國並屬九江郡。贛州

此有脫誤。宜作春秋戰國並屬楚。秦屬九江郡。方合。

東北至江州二百五十里。八到

東北宜作東南。江州八到作二百八十九里。

西北至東都一千七百里。

官本西作東。誤。此條宜依官本列上都之次。南本改。又按官本有東北至舒州三百七十里。南本增。

在縣東。贛縣

官本下有南字。南本增。

太子洙云云。黃梅縣

宋書桂陽王休範傳已有太洙之名。似不因梁武丁貴嬪生太子始云。

四百一十里。岳州

官本一作五。

西至澧州。

官本澧作澄。此誤。

沔陽縣五百五十里。

復州八到云五百里。

復改爲巴陵縣。巴陵縣敘

官本復作後州郡志云。巴陵縣。晉置。水經注云。本吳巴邱邱闔。晉立巴邱縣。均與此別。

西增白帝之兵。東益巴邱之戍。又周瑜卒於巴邱。皆此地也。

按蜀志宗預傳。西東句宜倒。兵原作守。邱官本誤作陵。裴松之曰。周瑜所鎮。今巴邱縣也。通鑑輯覽注

曰。故城在今江西撫州府崇仁縣。晉巴邱縣屬廬陵郡。巴陵縣屬長沙郡。建安時乃荊州地。尙未入吳。

岷山。澧江。湖湘江。

官本山作江。澧作澧。此誤。王象之引作湘江。無湖字。南本削。

起自汝。蔡訖於三湘。侯景浦條

梁書侯景傳作起自汝。際訖三湘。

侯景東起於懸瓠。

寰宇記補引東作果。

周迴二百六十里。洞庭湖條

王琦引二作三。

曹公征荊州云云。

官本接下條下南本从之恐非。

遇疾燒船。

官本下按云魏志郭嘉傳作遇疾疫燒船。

爾雅云云。至為瀆。瀆湖條。

語本爾雅注瀆宜作灑南本改。

敗楚於蹇澨。

蹇今左傳作雍與官本合。

吳分置南安縣。華容縣敘。

官本南安倒恐非隋志與官本合劉昫云劉表所改未知孰的。

經入玉笥山。湘陰縣汨水條。

官本無入字南本削。

極為阻益。赤亭條。

官本益作隘。此脫阜。南本增。

三百七里。沅江縣注。

官本七作七十。南本增。

梁元帝分置重華縣。沅江縣敘。

隋志云。梁曰藥山。平陳改安樂。與此別。

權患之。關州條。

蜀志患作忿。

六百五十里。昌江縣注。

疑有誤。昌江今平江縣治。西北至岳州府二百四十里。

後漢分長沙為漢昌縣云。縣敘。

官有脫誤。顧祖禹曰。春秋羅國地。秦為羅縣。漢因之。屬長沙國。後漢屬長沙郡。建安十五年。吳析置漢昌縣。尋改曰吳昌。開皇九年。省入羅縣。唐又省羅縣入湘陰。神龍三年。復分置昌江縣。

元和郡縣圖志卷第二十八

江南道四

江西觀察使 洪州 饒州 虔州 吉州 汀州 袁州 信州 撫州

宣歙觀察使 宣州 歙州 池州

洪州 豫章中開元戶五萬五千四百五十九 鄉九十四
都督府元和戶九萬一千一百二十九 鄉一百十

今爲江南西道觀察使理所

管州八 洪州 饒州 虔州 吉州 汀州 袁州 信州 撫州

管縣三十八 都管計戶二十九萬三千一百八十

禹貢揚州之域。春秋時楚之東境。吳之西境。七國時全爲楚地。秦滅楚爲九江郡。惠帝元康二年於郡理立江州。晉元帝時江州自豫章移理武昌郡。自後或理潯城。或理潯陽。或理半洲。並在潯城側近。隋開皇九年平陳置洪州。因洪崖井爲名。武德元年改爲總管府。七年改爲都督府。

州境 東一千六百一十五里

南北一千一百五十六里
八到 西北至東都二千八百七十五里

東至饒州四百四十里。

南至撫州二百一十九里。

北至江州三百二十五里。

管縣七 南昌 高安 新吳 豐城 建昌 武甯 分甯

南昌縣郭下漢高六年置隋平陳改為豫章縣實應元年六月改為鍾陵縣十二月改為南昌縣。

高安縣東至州一百五十里本漢建城縣武德五年改為高安仍於縣置靖州八年廢州後復為縣屬洪州。

新吳縣東至州一百五十里後漢靈帝中平中分海昏縣置隋開皇九年省入建昌武德五年又置舊隸楚今新

屬吳故曰新吳。

豐城縣北至州一百四十七里一本漢南昌縣地晉武帝太康元年移於今縣南四十一里名豐城即是雷孔章得

寶劍處也。

建昌縣北至州一百二十里東三里故海昏城即漢昌邑王賀所封今縣城則吳太史慈所築

武甯縣東至州一百六十里長安四年割建昌界置。

分甯縣東至州一百五十里貞元十六年刺史李巽奏分武甯縣西界置因以名焉。

饒州開元戶四萬六千一百一十六鄉二十九。

本秦鄱陽縣也。屬九江郡。鄱陽記云：在揚州巳午之間。孫權分豫章立爲鄱陽郡。梁承聖二年改爲吳州。至陳光大元年省吳州，依舊置郡。隋開皇九年平陳，改鄱陽爲饒州，其城卽吳芮爲番令所居城。

州境東四六十五里，南四百六十一里。

八到西北至上都三千一百三十里，西北至東都二千三百二十里。

東南至信州五百里，東北至池州五百八十里。

東北至歙州七百里，西至洪州四百四十里。

西至撫州四百七十里。

貢賦開元貢：鈇金、紵布、秬米。元和貢：鈇金、竹簾。

管縣四：鄱陽、餘干、樂平、浮梁。

鄱陽縣上郭下。秦置孫權分豫章置鄱陽郡。理於此。晉武帝改爲廣晉。開皇九年改廣晉爲鄱陽。以在鄱水之北，故曰鄱陽。

永平監置在郭下，每歲鑄錢七千貫。

餘干縣上州。東至漢餘汗縣。淮南王云：田於餘汗是也。縣因餘汗之水爲名。隋開皇九年去水存干，名曰餘干。

贛縣上。下。貢水西南自南康縣來。章水東南自零都縣來。二水至州北合爲一。通謂之贛水。因爲縣名。

南康縣上。州上。八十里。東北至本漢灌嬰所置南壘縣也。屬豫章郡。獻帝初平二年。析南壘置南安縣。晉太康五年。

改爲南康。

信豐縣上。一百八十里。北至州。獻帝初平二年。分南壘立南安縣。晉武帝改爲南康。永淳元年。析南康更置南安。天

寶元年。改爲信豐。

大庾縣上。二百二十里。東北至州。南康記云。前漢南越不賓。遣監軍庾姓者討之。築城於此。因之爲名。隋以爲鎮。神

龍初。改鎮爲縣。

零都縣上。一百七十里。西北至州。漢初所置。因零都水爲名。

虔化縣上。四百七十六里。西南至州。本漢贛縣地。吳寶鼎三年。初置新都。晉太康元年。改爲甯都。隋開皇改甯都爲虔

化。

安遠縣上。五百二十里。西北至州。梁大同中。於今縣南七十里安遠水南置安遠縣。開皇中廢。貞元四年。刺史路應

重奏分零都縣地置。

吉州上。開元戶三萬四千四百八十一。鄉七十四。元和戶四萬一千二十五。鄉六十九。

本秦廬陵屬九江郡。獻帝興平二年。分豫章於此置廬陵郡。晉太康中。移郡於石陽縣。今舊州東北故城。

是也。隋開皇中，改廬陵為吉州，有吉水，因為名焉。

州境：東四百二十里，南六百九十二里。

八到：北至上都三千六百九十里，北至東都二千七百九十里。

東北至撫州四百五十里，西至衡州九百一十里。

南至虔州五百二十里，北至洪州五百七十六里。

賞賦：元和實，白紵布、茶、陟釐。

管縣五：廬陵、安福、永新、太和、新淦。

廬陵縣：上。本漢石陽縣，晉移郡於此，隋改為州，又改名石陽縣為廬陵，因廬水為名。

安福縣：上。東至州一百二十里。本漢安平縣，後漢改為平都縣，屬廬陵。吳分置安城郡，隋廢郡為安復縣，武德中改。

為安福縣。

永新縣：上。東北至州一百一十里。本漢廬陵縣地，吳歸命侯所置，屬安城郡。開皇中廢，顯慶四年又依舊置。

太和縣：上。北至隋開皇九年，平陳分廬陵縣置西昌縣，十八年改為太和。

新淦縣：上。南至州一百七十里。本漢舊縣，豫章南部都尉所居，縣有淦水，因為名。陳割屬巴山郡，開皇中廢郡，縣。

屬吉州。

江州潯陽。開元戶二萬二千八百六十五。鄉四十一。元和戶一萬七千九百四十五。

禹貢揚荆二州之境。揚州云：彭蠡既滌。今州南五十二里彭蠡湖是也。荆州云：九江孔殷。今州西北二十五里九江是也。然彭蠡以東爲揚州界。九江以西屬荆州界。春秋時爲吳之西境。吳後爲越滅。復爲楚地。秦屬廬江郡。漢屬淮南國。晉太康十年以荆揚二州疆域曠遠難爲統理。分豫章鄱陽廬江等郡之地置江州。因江水爲名。理豫章。至惠帝分廬江之潯陽武昌之柴桑置潯陽郡。自東晉元帝至蕭齊或理半洲。至陳武帝於潯陽置西江州。復理豫章。文帝天嘉元年省西江州。江州自豫章復理潯陽。隋文帝平陳置江州總管。移理潯城。大業三年罷江州爲九江郡。武德四年討平林士宏復置江州。五年又置總管。七年改爲都督。貞觀二年罷都督府。州理城古之潯口城也。漢高祖六年灌嬰所築。漢建安中孫權經此城。權自標地令人掘之。正得古井。銘云：漢六年穎陰侯開。三百年當塞。後不滿百年當爲應運者所開。權以爲己瑞。井極深。大江中風浪井水輒動。晉咸和四年後將軍郭默殺平南前軍劉允判於此城。陶侃討默。築以攻之。默乃以布囊盛米爲壘。以應陶。今稱云陶公壘。

州境東四百九十九里。南一百七十七里。

八到西北至上都二千七百六十里。西北至東都一千九百五十里。

東至宣州一千八百里。西至鄂州五百九十三里。

南至洪州三百三十五里。
西北至蕪州二百八十九里。
實賦開元賈萬生石斛。
元和賈萬。

管縣三 潯陽 彭澤 都昌

潯陽縣鄒下本漢舊縣屬廬江郡以在潯水之陽故曰潯陽隋平陳改潯陽爲彭蠡縣大業二年改爲潯

城縣武德五年復改爲潯陽縣

廬山在縣東三十二里本名鄣山昔匡俗字子孝隱淪潯景廬於此山漢武帝拜爲大明公俗號廬君故山取號周環五百餘里

巢湖故城在縣東四十二里按楚有二巢一在廬江六縣其南巢桀所奔處蓋此地也

紫桑故城在縣西南二十里

半洲故城在縣西九十里按吳將孫慮黃武六年出鎮於此築此城

宮亭湖神廟在縣東南九十里

彭澤縣上四南至州二百里本漢舊縣屬豫章郡置彭城湖南因以爲名開皇九年廢彭澤別置龍城縣至十八

年又改爲彭澤縣

馬當山在縣東北一百里橫入大江甚爲險絕往來多覆溺之懼

江水西至都昌縣界流入。經縣二十五里。東北流入秋浦縣界。

都昌縣。上。西北至州一百五十里。本漢彭澤縣地。武德五年分置都昌縣。以縣北有都村。配以昌字。取嘉名也。

彭蠡湖在縣西六十里。與潯陽縣分湖爲界。

釣磯山在縣南一百一十二里。昔陶侃嘗釣於此。釣得一梭。化爲龍而去。

彭澤故城在縣北四十五里。晉陶潛爲令。理此城。

左里故城在縣西南九十五里。盧循爲宋祖所敗。自蔡州南走。還屯潯陽。聞大軍將至。欲走豫章。乃悉力柵斷左里。及大軍至。將戰。高祖所執麾竿折。幡沈水。衆懼。公笑曰。往年覆舟之戰。幡竿亦有折者。今復然。賊必破矣。卽進攻柵。賊投水死者萬餘人。遂大破之。

袁州。宜春。開元戶二萬二千三百三十五。鄉四十一。元和戶一萬七千二百二十六。鄉四十一。

本秦九江郡地。在漢爲宜春縣。屬豫章郡。晉平吳後。屬荊州。東晉以來。屬江州。隋開皇十一年。置袁州。因袁山爲名。大業三年。罷袁州。爲宜春郡。武德五年。討平蕭銑。復置袁州。

州境。東四百二十六里。南四百二十五里。

八到。西北至上都二千九百七十二里。西北至東都二千七百零里。

東至洪州七百四十里。西至潭州五百二十六里。

南至吉州三百一十七里
北至洪州五百六十五里
貢賦 開元貢 白紵布 麻布

管縣三 宜春 新喻 萍鄉

宜春縣上 郭下 本漢舊縣灌嬰定江南所築城晉武帝太康元年以太后諱春改為宜陽縣隋開皇十一年於縣置袁州移縣於城東五里復改為宜春

新喻縣上 一百五十里 西南至州 本漢宜春縣地吳孫皓分置新渝縣因渝水為名今日新喻因聲變也

萍鄉縣上 一百四十里 東至州一 本縣宜春縣地吳寶鼎二年分立萍鄉先隸吉州開皇十一年屬袁州以地多生萍草因以為名

信州上 饒 元和戶二萬八千七百一十 鄉六十四

本漢餘汗之地三國時又分鄱陽郡葛陽縣之地陳改為弋陽今州所理在弋陽縣東一百里乾元元年租庸使洪州刺史元載奏置

州境

八到 西北至上都三千六百三十里
西北至東都二千八百二十里

東至衢州二百五十里
西北至饒州五百里

東南至建州五百里。

貢賦。元和貢。縣。籬紙。

管縣五。上饒。玉山。弋陽。永豐。貴溪。

上饒縣。上。下。本吳所置。隋平陳省。乾元元年重立。

玉山縣。上。四至。證聖元年分常山。須江等縣置。乾元元年自衢州割入信州。

弋陽縣。上。東至。後漢分餘汗東界立。葛陽縣。自吳至陳。並屬鄱陽郡。開皇中因失印改為弋陽縣。乾元

元年自饒州割屬信州。

永豐縣。中。四北至。本弋陽縣進賢鄉永豐里之地。乾元元年置。因里為名。

貴溪縣。上。東至。州。永泰元年洪州觀察使李勉奏割樂平。餘干二縣置。在貴溪口。因以為名。

撫州。上。開元。元。和。元。二。萬。四。千。九。百。八。十。八。鄉。四。十。八。鄉。五。十。一。

本禹貢揚州之境。秦屬九江郡。漢屬豫章。吳太平中改置臨川郡。隋開皇九年改為撫州。大業十二年又

改為臨川縣。武德五年又改為州。

州境。東。四。百。七。十。八。里。南。北。六。百。三。十。里。

八到。北。四。至。東。都。二。千。四。百。九。十。五。里。

東北至饒州四百七十里

南至吉州四百五十六里

南至洪州一千五百八十里

北至洪州二百四十里

賈賦開元實萬十疋元和實萬十疋

管縣四 臨川 南城 崇仁 南豐

臨川縣上 郭下 後漢和帝永元八年析南城縣為臨安縣開元九年改為臨川縣

南城縣上 東南至州一百三十里

崇仁縣上 東北至州一百里 本漢臨汝縣之地吳少帝太平二年分臨汝為新建縣屬臨川郡梁普通三年改巴

縣隋開皇中改為崇仁

南豐縣上 西北至州二百六里 本漢南城縣地吳少帝分以為南豐縣隋平陳省入南城景雲二年又置先天二年

又廢開元八年復置

宣州宣城 開元八月八萬七千二百三十一元 和月五萬七千三百五十一鄉 一百六十七鄉 一百九十五

今為宣歙觀察理所

管州三 宣州 歙州 池州

縣二十 都管戶九萬一千七百六

禹貢揚州之城。春秋時屬楚。秦爲郢郡。漢武改爲丹陽郡。領縣十七。理宛陵。卽今理是也。漢有銅官。地輿地志云。宛陵縣銅山者。漢採銅所治也。漢順帝立宣城郡。東晉或理蕪湖。或理姑熟。或理赭圻。開皇九年。平陳。改郡爲宣州。移於今理。武德二年。置總管府。七年。改爲宣城郡。乾元元年。復爲宣州。理城。周封楚子熊繹於此。漢丹陽郡亦理此城。俗傳晉桓彝所築。

州境。東四百八十六里。南四百五十二里。

八到。西北取和滁路。至上都三千一百五十里。取潤州路三千七十里。

正北。徽東至潤州四百里。

正南。徽西至池州三百四十里。

西。徽西至歙州三百八十里。

貢賦。開元貢白紵布。自貞元後。常貢之外。別進五色線毯及綾綺等珍物。與淮南兩浙相比。

管縣十。宣城。南陵。涇縣。當塗。溧陽。溧水。甯國。廣德。太平。旌德。

宣城縣。望下。本漢宛陵縣。屬丹陽郡。後漢順帝置。至晉屬宣城郡。隋自宛陵移於今理。

敬亭山。州北十二里。卽謝朓賦詩之所。

青弋水。州西九十九里。

南陵縣望州一百里東至本漢春穀縣地梁於此置南陵縣仍於縣理置南陵郡隋平陳廢郡縣屬宣州

鵠頭鎮在縣西一百一十里卽春秋時楚伐吳敗於鵠岸是也沿河八十里有鵠尾洲吳時屯兵處

利國山在縣西一百一十里出銅供梅根監

梅根監在縣西一百三十五里梅根監并宛陵監每歲共鑄錢五萬貫

銅井山在縣西南八十五里出銅

戰鳥山在縣西北一百二十里臨大江本名孤圻山昔桓溫於赭圻討賊屯軍山下夜中衆鳥鳴賊謂官

軍已至一時驚潰因以爲名

春穀故城在縣西一百五十里

赭圻故城在縣西北一百三十里西臨大江吳所置赭圻屯處也晉哀帝時桓溫領揚州牧入朝參政自

荊州還至赭圻詔止之遂城赭圻鎮焉後城被火災乃移鎮姑熟

涇縣緊州一百五十里東北至本漢舊縣因涇水以爲名屬丹陽郡晉屬宣城郡武德七年於此置猷州八年廢以縣

屬宣州

陵陽山在縣西南一百三十里陵陽子明得仙處

徽嶺山在縣東南二百五十里涇水所出也

蓋山在縣西南二百八十里。下有舒姑泉。昔舒氏女化爲魚於此泉。聞絃歌聲。則有雙鯉湧出。

當塗縣聚東南至州一百九十三里。本漢丹陽縣地。其當塗縣本屬九江郡。漢爲侯國。左傳禹會諸侯於塗山。注云在

壽春東北。以塗山爲邑。故以名焉。晉武太康初。分丹陽置於湖縣。成帝時。以江北之當塗縣流入過江在

于湖者。僑立爲當塗縣。屬淮南郡。大業十年。廢于湖縣。以當塗屬宣州。

牛渚山在縣北三十五里。山突出江中。謂之牛渚圻。津渡處也。始皇二十七年。東巡會稽。道由丹陽至錢

塘。卽從此渡也。晉左衛將軍謝尚鎮於此。溫嶠至牛渚。燃犀照諸靈怪。亦在於此。

博望山在縣西三十五里。與和州對岸。江西岸曰梁山。在溧陽縣南七十里。兩山相望如門。俗謂之天門

山。山上皆有卻月城。宋車騎將軍王元謨所築。於此屯兵捍禦。

赤金山在縣北一十里。出好銅與金類。淮南子。食貨志所謂丹陽銅也。

九井山在縣南十里。殷仲文九日從桓溫登九井賦詩。卽此山也。

龍山在縣東南十二里。桓溫嘗與僚佐九月九日登此山宴集。

丹陽湖在縣東南七十九里。周迴三百餘里。與溧水分湖爲界。

蕪湖水在縣西南八十里。源出丹陽湖。西北流入於大江。漢末湖側亦嘗置蕪湖縣。吳將陸遜。晉謝尚。王

敦皆嘗鎮此。

姑熟水在縣南二里。縣名因此。

慈湖在縣北六十五里。吳將卞融於此屯兵。晉成帝咸和二年。陶侃與蘇峻戰於慈湖。侯景之亂。兵至慈湖。梁人聞之大恐。

採石戍在縣西北三十五里。西接烏江。北連建業。城在牛渚山上。與和州橫江渡相對。隋師伐陳。賀若弼從此渡。隋平陳。置鎮。貞觀初。改鎮爲戍。

溧陽縣上。二百四十里。東南至州。本漢舊縣。屬丹陽郡。以在溧水之陽爲名。吳時置屯田於此。隋屬蔣州。今潤州上元縣西石頭城是蔣州理也。又屬潤州。大業二年。屬宣州。

平陵山在縣南十八里。晉成帝時。李完圍韓晃於此山。斬之。山高四十丈。

溧水在縣南六里。

溧水縣上。二百二十五里。南至州。二。本漢溧陽縣地。隋開皇十一年。宇文述割溧陽之西。丹陽之東。置。

中山在縣東南一十五里。出兔毫。爲筆精妙。

丹陽湖在縣西南二十八里。與當塗縣分中流爲界。

因城湖在縣南一百里。周迴九十里。多蒲魚之利。

甯國縣上。三百一十里。西北至州。本後漢末分宛陵南鄉置。屬丹陽郡。晉屬宣城郡。其後武德中廢。天寶三年。復置。

五湖水在縣東北四里。

廣德縣繫西至州一百六十五里。後漢分故漳縣置。屬丹陽郡。宋為經安縣。仁壽三年。屬湖州。大業二年。移於今理。

屬宣州。至德二年。改為廣德。

桐汭水在縣西五十里。春秋。楚子期伐吳。至桐汭。是也。

太平縣上東至州二百八十里。本涇縣地。天寶四年。宣城郡太守李和上奏。割涇縣西南十四鄉置。

黃山在縣西南四十里。上有泉水。泉側多黃連。

旌德縣上北至州二百三十里。本太平之地。以縣界闊遠。永泰初。土賊王方據險作叛。詔討平之。奏分太平置旌德縣。

歙州新安上。開元戶三萬一千九百六十一。鄉七十二。

元和戶一萬六千七百五十四。鄉五十一。

禹貢揚州之域。春秋時屬越。秦時為丹陽郡歙縣之地。其後或屬新都。或隸新安郡。或立新甯郡。隋開皇

十二年。置歙州。武德中。置都督。貞觀廢。

州境東四百一十九里。南四百四十里。

八到西北至上都取睦州路四千八百五里。取宣州路三千四百五十里。東至杭州四百七十里。東至睦州三百七十里。

東至睦州三百七十里。

西南至饒州七百里
正北微東至宣州三百里

賞賦開元賞 紵細紵布 麻布一十五疋
元和賞 竹簾

管縣六 歙縣 黟縣 休甯 婺源 績溪 祁門

歙縣上 本秦舊縣也。縣西有歙浦。因以為名。晉後屬新都郡。或屬新安郡。或屬新安郡。隋初省。開皇十

一年又置歙州及縣。

北黟山在縣西二百六十八里。宣歙二州分界處。

布射山一名勤山。在縣北二十里。吳志。歙賊金奇萬戶屯於此。

烏聊山在縣東南二百六步。上有毛甘故城。後漢末賊毛甘萬戶屯於此。吳將賀齊討平之。

浙江西自休甯縣界流入。

黟縣上 東至州一 本漢舊縣。理在黟川。因為名。屬丹陽郡。隋氏平陳。省入休甯縣。十一年復置。隸宣

州。十二年改隸歙州。按縣南有墨嶺。出墨石。又昔貢柿心木。縣由此得名。說文黟字從黑旁。多後傳誤。遂

寫黟字。

林歷山在縣西南一百五十里。昔吳大帝使賀齊討黟。歙山賊。賊帥陳僕。祖山等二萬戶屯此山。山四面壁立。高數十丈。徑路危狹。不容方楯。賊乘高下石。不可得攻。齊乃陰募輕健士。密於隱險。賊所不備處。以

戈拓斬山爲緣道。夜合勇士潛上。懸布援人。遂大破之。忽賊中有善禁者。官軍刀劍不得拔。弓弩矢發多遺。自向賀齊令曰。吾聞蟲有毒者。兵有刃者可禁。其無刃者不可禁。乃多作輒木白楮。選異力精卒五千。攻之。禁果不行。賊遂大敗。

休甯縣。上。東至州六十六里。本秦歙縣地。屬丹陽郡。後漢建安中。賀齊討黟。歙山賊分休陽縣。其後頻有改易。隋開皇九年。改爲休甯縣。屬婺州。十二年。改屬歙州。

橫鄞山在縣東南八十四里。

漸江一名浙江。源出縣東南橫鄞山。東流經歙縣。又東南入睦州界。

婺源縣。上。東北至州二百九里。本休甯縣西南界。開元二十六年。平妖賊洪氏。始置此縣。以婺水遶城三面。因以爲名。

善山在縣南五十里。與惡山隔溪相對。俗謂夫婦山。

績溪縣。中下。西南至州六十六里。本梁大通元年於此置梁安縣。武德中廢。大歷二年。刺史長孫全緒奏分歙縣置

此縣。北有乳溪。與徽溪相去一里。並流離而復合。有如績焉。因以爲名。

祁門縣。中下。東至州一百七十九里。本古昌門地。漢黟縣之南境。永泰元年。草賊方清於此僞置昌門縣。以爲守備。刺

史長孫全緒討平之。因其舊城置縣。恥其舊號。以縣東北一里有祁山。因改爲祁門縣。大歷五年。又移於

東面臨大溪西枕小山

池州池陽下 元和戶一萬七千五百九十一 鄉三十四

本漢鄆郡之域吳於此置石城縣梁昭明太子以其水魚美故封其水為貴池今城西枕此水隋廢石城縣入南陵縣開皇中於此置秋浦縣永泰二年江西觀察使李勉奏置池州因武德四年總管左難當所奏舊名取貴池以為州號也

州境

八到西北至上都取宣州路二千四百一十里取江州路二千五百三十里

西北至東都取宣州路二千五百一十里取江州路二千五百三十里

東北陸路至宣州三百四十里

東南至江州五百八十里

西南至歙州四百六十里

東南至饒州五百八十里

正北徽四波江至舒州四百三十里

貢賦

管縣四 秋浦 青陽 至德 石埭

秋浦縣上郭下 隋開皇十九年於石城故城置屬宣州永泰二年李勉奏置池州新縣屬焉

烏石山在縣西一百四十里廣德初為賊陳莊方清所據袁儻破平之

大江水在縣北七里。

貴池水在縣西七里。

秋浦水在縣西八十里。

青陽縣上州七十里西南至。

本漢涇縣地。天寶元年。洪州都督徐輝奏於吳所立臨城縣南置。屬宣州。在青山之

陽爲名。永泰二年。隸池州。

至德縣中州二百五里東北至。

本漢石城。至德二年。刺史宋若思奏置。因年號爲名。初屬潯陽郡。乾元元年。改屬饒

州。永泰三年。割屬池州。

堯城在縣南四百里。

舜城在縣北二十里。舊傳兩帝南巡至此。

石埭縣中州西北至二百里。

本漢丹陽郡地。至吳大帝。封韓當爲石埭城侯。因此置縣。其後屢有廢興。永泰二年。

洪府都督李勉奏割秋浦、青陽、涇三縣於吳所置陵陽城五里置。

陵陽山在縣北三十里。寶子明於此得仙。

石埭在縣西北一百三十里。有兩橫石壅江。有如埭焉。因爲名。

元和郡縣圖志卷二十八考證

江南道四

豫章

洪州注

豫字恐後人所增。通典云：避代宗諱，止稱章郡。

憲帝元康二年，晉元帝時州敘。

官本上有晉字，下曰東晉。南本增二年，通鑑作元年。

或理半洲。

王象之引半洲作本洲，疑誤。

武德元年。

宜作五年，前爲林士宏所據。

一千一百三十五里八到下。

潭州八到云九百八十里。

改爲南昌縣南昌縣敘。

新志云貞元中改樂史同與此別

本漢建城縣高安縣敘

城地理志作成

分海昏縣新吳縣敘

官本昏作昏是南本改

東三里云云建昌縣敘

不述建昌立縣所始應有缺

東至州武甯縣注

東宜作東南武甯即今縣

東至州六百五十里分甯縣注

官本作東南是六百宜有訛分甯即今義甯州至府三百五十里

本秦鄱陽縣也饒州敘

鄱宜作番漢始增邑旁下引吳芮事正作番

爲番令

漢書吳芮傳番作番陽

西至撫州八到

宜作西南

七千貫鄱陽縣永平監條

官本脫貫字

東至州餘干縣注

東宜作北餘干即今縣

虔州南康上虔州敘注

官本無南本削按此宜作本漢某郡下文方有依據

一千十二里八到下

郴州無十二

一千六百十四里

循州作一千五百里

四百七十四里

吉州作五百二十里。

賁水西南云云。鞍縣

上有脫文。宜云本漢舊縣。屬豫章郡。又按賁章今稱與此互易。此本劉澄之說。詳水經注。

一百九十里。信豐縣注。

官本十下有五字。王象之引同。此疑脫。

開皇。虔化縣

南本下有十八年。

梁大同中。安遠縣

王象之引作大同十年。

興平二年。吉州

王象之引作初平二年。並辨郡國志注及寰宇記作興平二年之誤。以爲當從元和志。此疑後人據彼

所改。元和志本作初平。

移郡於石陽縣。

晉志未詳。當別有據。

四百五十。八到

撫州下有六字。

五百二十。

虔州作四百七十四。

元和貢。實賦

官本作開元貢。

本漢石陽縣。盧陵縣敘

地理志無石陽縣。

本漢安平縣。至吳分置安城郡。安福縣敘

王象之引作本西漢安平、安城二縣。安平隸豫章郡。安成隸長沙國。與此別。

顯慶四年。永新縣敘

顯宜作明。此後人改。四新舊志並作二。會要與此合。

十八年。太和縣敘

官本作十年。隋志作十一年。

後爲越滅。廬江等郡之地。江州

官本作爲越滅後。晉志江作陵。此疑誤。

廬江之潯陽。

晉志潯作尋。下潯陽郡同。

自標地。當塞。

王琦引作自標井地。塞下復有塞字。

劉允判於此城。築以攻之。

官本允作胤。南本从之。判作叛。是。築下有壘字。南本增。此脫。按晉書郭默傳作築土山以臨之。

五百九十三里。八到下

鄂州作六百里。

二百八十九里。

蘄州作二百五十里。

一在廬江。潯陽縣葉湖條

官本脫一字。

黃武六年。牛洲條。

按吳志宜作黃龍二年。

西至都昌縣。經縣。彭澤縣。江水條。

官本至作自。經縣下有北字。南本从之。

六十里。都昌縣。彭澤湖條。

程恩澤引作二十里。

為宋祖所敗。自蔡州南走。左里條。

宋祖宜作宋高祖。州宜作洲。

遂大破之。

官本脫之字。

二百。袁州元和戶下。

官本作一百誤。

三千九百七十二里。八到下。

官本作三千二百八十。南本二百作一百。

二千七百里。

官本作二千四百六十。南本無六十。

東至洪州。

疑作東北至江州。詳後。

二十六。

潭州八到作二十五。

北至洪州五百六十五里。

官本洪作江。六十作二十。按前云東至洪州七百四十里。當是江州。官本以此條爲江州。則里數大謬。

袁州卽今府。洪州今南昌府。江州今九江府。

晉武帝太康。宜春縣敘。

宜作晉孝武帝太元。見杭州富陽縣及蘄州各敘。此傳鈔之誤。

今日新喻。新喻縣敘。

南本作天寶。後相承作新喻。

以地多生萍草。萍鄉縣敘。

樂史云。楚昭王得萍實於此。縣北有萍實里。

七百一十。信州元和戶下。

十下官本有一字。南本增宜作二。方合都管戶數。此脫。

至建州五百里。八到下。

建州作五百四十里。

證聖元年。玉山縣敘。

元官本作二。樂史作三。並誤。

大業十二年。又改爲臨川縣。撫州敘。

十二年。宣作三年。縣宜作郡。

東北至饒州。八到下。

官本脫北字。南本削誤。

南至吉州四百五十六里。

官本南上有西字。吉州作四百五十里。

一千五百八十里。

官本五作一南本从之均未的按前云至吉州四百五十六里吉州云至虔州五百二十里尚不及千里

二百四十里

四十官本作二十九與洪州合南本从之

爲臨安縣臨川縣敘

郡國志作臨汝與此別

開元九年

元宜作皇見隋志臨川縣

東南至州南城縣注

南城今建昌府治東南宜作西北此志方輿多難伊偵劍誤也

東北至州崇仁縣注

北官本作南誤崇仁即今縣在府西稍南

改巴縣

按隋志巴宜作巴山

二百六里。南豐縣注。

官本六作六十。此脫。

春秋時屬楚。宣州敘。

楚宜作吳。蓋誤。因地理志丹陽爲楚子始封故也。詳下。

理宛陵。卽今理是也。漢有銅官地。

宣城縣敘云。本漢宛陵縣。又云。隋自宛陵移於今理。語宜未合。官本銅官下無地字。宜衍。南本削。

漢順帝立宣城郡。

官本無漢字。南本削。按晉志云。太康二年。置宣城縣。敘云。後漢順帝置。至晉屬宣城郡。語似未合。

武德二年。

舊志作三年。杜伏威歸化置。

周封楚子熊繹於此。漢丹陽郡亦理此城。

楚子始封國在今歸州東南七里丹陽故城是也。水經注引宜都記云。秭歸。蓋楚子熊繹之始國。又云。江水北對丹陽城。楚子熊繹始封丹陽之所都也。地理志以爲吳子之丹陽。論者云。尋吳楚悠隔。繼縷荆山。無容遠在吳境。是爲非也。又楚之先王陵墓在其間。蓋爲徵矣。樂史。王象之引此志歸州秭歸縣。

丹陽故城指爲楚之舊都。此復引固說反滋惑矣。

十二里。宣城縣啟亭山條

王象之引無二字。

九十九里。青弋水條

王象之引作五十里。

一百二十里。南陵縣戰鳥山條

王象之引作一百三十二里。

陵陽子明。涇縣陵陽山條

池州石埭縣作竇子明。輿地志云。陵陽令竇子明是也。列仙傳云。經鄉人。

徽嶺山。本條

官本作徽嶺山。誤。徽亦作疊。

二百。蓋山條

南本削。

大業十年廢于湖縣。以當塗屬宣州。當塗縣敘

隋志云平陳併當塗入宣城不詳于湖縣

在溧陽縣南博望山條

王應麟引溧作歷是卽和州治其卷已佚此誤歷爲溧方輿迥別

與溧水分湖爲界丹陽湖條

王琦引溧水下有縣字此脫

吳將下融慈湖條

王象之卞引作笮吳志笮融丹陽人

採石戍本條

王象之引採作采與官本同

大業二年屬宣州溧陽縣敘

隋志云溧陽開皇十八年併入溧水

李完平陵山條

晉書蘇峻傳作李閔

因城湖溧水縣本條

因宜作固。南本改。顧祖禹曰：在高淳縣南五里。

分故漳縣置。宋爲經安縣。廣德縣敘。

官本漳作鄆。是南本改。隋志經安作綏安。此形近之訛。

東至州。太平縣注。

官本作東北。此脫。南本增。

王方。旌德縣敘。

王象之引作王萬敵。

秦時爲丹陽郡。歙州敘。

秦、宜作漢。王象之引亦作秦。蓋自宋已訛。宣州敘云：漢武改爲丹陽郡。與漢志合。

或屬新郡。

下脫郡字。官本作新郡。亦訛。吳置。晉改爲新安郡。梁析置新甯郡。

十二年置。

隋志作十一年。歙縣敘亦作十一。此恐誤。

至宣州三百里。八到下。

宣州作三百八十里。

紵。麻布一十五疋。開元實

官本作麻布。南本从之。

本秦舊縣。欽縣

王象之引秦作漢。

十一年又置。

官本下有十二年置。宜衍。

一名勤山。布射山條

吳志賀齊傳作安勤山。

不容方楯。勳縣林歷山條

吳志方作刀。

以戈拓斬山爲緣道。

官亦作以戈帖山。無斬字。王象之所引同。此蓋依賀齊傳改。

吾聞蟲有毒者云云。

三國志注作吾聞金有刃者可禁。蟲也。毒者可禁。其無刃之物。無毒之蟲。則不可禁。其語差詳。
軻木白楛。

三國志注軻作勁。官本作軻。南本从之。

十二年。休甯縣敘。

隋志作十八年。

開元二十六年。婺源縣敘。

新舊志並作二十八年。樂史同。

本漢鄆郡之地。吳於此置石城縣。池州敘。

漢宜作秦。石城本漢舊縣。屬丹陽郡。吳卽漢字訛。

永泰二年。

舊志作元年。

李勉奏置。

王象之引勉作芄。非。按舊書本傳。其時芄爲刺史。

總管左難當。

王象之引上有猷州宜衍。

西南至江州。八到

官本脫南字南本从之誤。

正北微西至舒州。

宜作正西微北舒州今潛山縣治。

新縣。秋浦縣敘。

南本無新字。

在青山之陽為名。青陽縣敘。

王琦引為名作故名義長。

二百五里。至德縣注。

官本五作五十南本从之恐誤至德今建德至府一百八十里。

封韓當為石埭城侯。石埭縣敘。

吳志韓當傳作石城侯無埭字。

洪府都督五里。

州敍云江西觀察使蓋兼官史不盡詳官本五上有南字南本增。